

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Pulvilos Et Pepla Prophetissarum

**Schmidt, Johann Andreas
Trumph, Heinrich Wilhelm**

[S.I.], 1713

VD18 11649178

§. 3.

[urn:nbn:de:bsz:31-130600](#)

§. 2. Quemadmodum vero nullum est dubium, in priori capitis hujus parte, DEI prophetæque sermonem esse directum contra viros prophetas; sic etiam nonnullis videtur in sequentibus verbis a versu decimo septimo ad finem usque capitis idem esse objectum personale, contra quod DEus per prophetam loquitur, nimirum viri, Israëli vana & falsa de corde suo prædicentes. Licet enim propheta faciem suam dirigere jubeatur contra filias populi, nihil tamen obstare putant, quo minus per eas ipsi pseudoprophetæ intelligantur, & mulierum nomine veniant, quia molli essent animo & non virili. In subsidium quoque vocant alia loca, in quibus haec significatio locum habere potest. e. g. Esaiæ 5. v. 12. *& mulieres dominantur.* Caput. 19. v. 6. *Ægyptus quasi mulieres.* Jer. 50. v. 37. *ut sint quasi mulieres.* Nah. 3. v. 13. *Ecce populus tuus mulieres in medio tui.* Et prophanis scriptoribus in more fuisse deprehendimus ignavos & timidos appellare mulieres. Sic Homerus vocat *Aχαιδας, οὐ εἰς Αχαιοὺς, Achivas, non amplius Achivos*, & eum imitatus Virgilius: *Overe Phrygiae, neque enim Phryges.* Imo ipse DEus in textu v. 5. videretur istorum pseundo-prophetarum timiditatem arguere: *Non ascendistis, inquit, ex adverso, neque apposuitis murum pro domo Israël, ut staretis in prælio in die Domini.*

§. 3 Verum enim vero, et si haec extra contextum viris prophetis convenire posse lubenter concedamus, in hac tamen rerum verborumque serie, non viros, sed mulieres easque prophetissas indigitari, non una nobis suadet ratio. Expressè enim vocantur v. 17. *filie populi*, & v. 18. eadem latent in forma participii, quod est generis foeminini. Harum autem vocum significationi nativæ tam diu inhæremus, donec nos urgeat aliqua necessitas, ob quam ab illa recedere cogamur. Accedit & illud, quod propheta valde apposite & eleganter viris tribuat *edificare parietem* in versu decimo, mulieri-

hieribus vero v. 18. *consuere pulvilos*; cum fœminarum sit
 hæc tractare, virorum autem ædificare & struere, quæ ad
 munimenta pertinent. Præterea etiam & hoc ex utroque
 Testamento notissimum est, mulieribus quibusdam pro-
 phetiæ donum fuisse concessum, non quidem eo sensu, quo E-
 saïæ, uxor vocatur, נָבִיאָה prophetissa Esaïæ 8. v. 3. quia ma-
 ritus propheta fuit, more loquendi ecclesiæ & veteri & ho-
 diernæ usitato; sed quoniam ea, quæ viris prophetis alias pro-
 pria erant, & ipsis quoque competebant. Quis ignorat so-
 rorem Aaronis & Moy sis prophetissam Exod. 15. v. 20. salu-
 tari? Illa enim arcana religionis exposuit, laudes divinas in-
 stinctu spiritus sancti prædicavit, & prophetarum more fuit
 locuta; quemadmodum & ipsa in altercatione iniqua cum
 Mose ad hæc dona provocat: *an tantummodo per Mosen locutus*
est Jehovah, nonne & per nos (me atque Araonem) locutus est?
 Num 12. v. 2. Nec minus nobilis erat Debora נָבִיאָה נָשָׁה fæ-
 mina prophetissa jud. 4. v. 4. cuius quidem vaticinia & hoc
 & sequenti capite quinto extant. Hæc spiritu divino afflata
 nomine Jehovah præcepit Barak, ut ad montem Thabor col-
 ligeret sibi decies mille viros e filiis Sebulon & Naphtali: præ-
 nuncians futurum esse, ut DEus Sisseram principem militiæ
 in manus ejus tráderet. Trigam celebrium in veteri testa-
 mento prophetiarum complem Hulda, quæ tantæ fuit auto-
 ritatis, ut rex Josias ex ea quæsiverit, quæ fata regni Israëli-
 ci essent futura. Prædictum enim regno exitium ob varia quæ
 commiserat peccata, regi vero nomine DEI sequentia nun-
 ciavit: *Propterea, inquit, Jehovah, ecce ego faciam ut agggereris*
ad patres tuos, & agggereris ad sepulchra tua in pace, ut non vi-
deant oculi tui, totum illud malum, quod ego indueturus sum con-
tra locum bunc 2. Reg. 22. v. 14. & 2. Chron. 34. v. 24. Et, si
 Solomoni Jarchi in priorem locum credimus, tantæ fuit a-
 pud suos existimationis, ut tradiderint, neminem unquam,
 seu

virum seu fœminam, sepultum fuisse intra mœnia Hierosolymæ, excepta domo Davidis, præter hanc solam. Cui denique non notum est vaticinium Joelis 2. v. 28. quo Deus non filiis duntaxat, sed & filiabus donum prophetæ, temporibus Messiae, conferendum promisit. Arbitrantur quidem aliqui genus illud prophetarum ordinarium in utroque sexu jam cessasse ante exortum Messiam, id quod etiam concedit Lightfootus in horis hebraicis ad Luc. 2. 36. p. m. 738. cum per quatuor annorum retro centurias aut circiter, ne unus quidem isto nomine dignus fuerit; licet judaici scriptores honorifico isto titulo nonnullos cohonestent. Nihilominus appropinquante aurora evangelii hoc donum se iterum exeruisse recte judicat. Taceo nunc Mariam matrem Domini ejusque cognatam Elisabetham, Spiritu Sancto impulsas, & mentionem duntaxat facio Annæ Phanuelis filiæ, quæ expresse Luc. 2. v. 36. fuit ornata nomine prophetissæ, quæ de Christo loquebatur omnibus, qui exspectabant redemtionem Hierosolymis. Huic adhuc jungimus quatuor filias Philippi evangelistæ, quæ erant virgines prophetantes Act. 21. v. 8. id est, quæ non tantum insignem peritiam interpretandi scripturas, sed etiam facultatem futura prædicendi habuerunt. Neque per proxima secula post Christum natum statim cessasse prophetæ donum, tot sanctorum patrum ostendunt testimonia, quæ penitus rejicere nemo audebit. Conf. Herm. Witsius Miscellan. sacr. lib. 1. cap. 23. seqq.

§. 4. Ut vero id extra omne dubium esse positum jam deduximus, quasdam mulieres utriusque Testamenti tempore, fuisse prophetissas, Spiritu sancto impulsas, sic & nonnullas hoc habuisse commune cum viris prophetis, sed falsis, certum est, ut sua somnia populo pro verbo Dei voluerint obtrusa, malo agitatæ spiritu. Memorabo illas duntaxat, quæ seculo post Christum natum secundo nomen aliquod in-